

## Lus Nthuav Qhia txog Medical Baseline Program

Zoo siab txais tos tuaj rau ntawm cov lus nthuav qhia no hais txog PG&E Medical Baseline Program.

Nws muab hluav taws xob ntawm tus nqi qis tshaj plaws ntawm koj txoj kev npaj tus nqi tam sim no yog tias koj muaj kev tsim nyog raws cov cuab yeej fab kev kho mob nyob rau tom koj tsev. Los sis muaj zwj ceeb fab kev kho mob nrog kev xav tau cov cua sov los sis cua txias tshwj xeeb. Yog li ntawd koj yuav tau them tsawg dua rau qhov hluav taws xob uas koj xav tau.

Qee qhov piv txwv ntawm cov cuab yeej fab kev kho mob uas tsim nyog suav nrog lub rooj zaum muaj log siv hluav taws xob, cov tshuab CPAP, tshuab pab ua pa, thiab cov tshuab lim ntshav.

Qee cov zwj ceeb tsim nyog yog tus mob ua tsis taus pa thaum tsaug zoo (sleep apnea), tus mob cov tawv qhwv leeg hlwb nthuag (multiple sclerosis), mob tuag tes tuag taw ib nrab (paraplegia), mob tuag tes tuag taw, tus mob tuag ib sab cev thiab lwm yam uas xav tau cua sov thiab cua txias tshwj xeeb.

Thaum lub caij hluav taws kub hav zoov, hluav taws xob yuav raug cuam tshuam vim cov laj thawj ntawm txoj kev nyab xeeb. Cov neeg qhua siv hluav taws xob ntawm Medical Baseline tau txais kev ceeb toom ntxiv ua ntej Kev Tua Hluav Taws Xob Kom Muaj Kev Nyab Xeeb Rau Zej Tsoom Sawv Daws (Public Safety Power Shutoff). Qhov no muab sij hawm ntxiv rau koj los npaj ua ntej kev tua hluav taws xob es kom koj thiaj li tuaj yeem ntsib txoj kev nyab xeeb.

Kev tsim nyog tsis yog nyob ntawm cov nyiaj khwv tau los, tsuas yog rau cov kev xav tau

ntsig txog kev kho mob ntawm tus neeg mob nyob hauv tsev nkaus xwb. Kev thov hauv

online yog qhov kev xaiv yooj yim tshaj plaws, thiab tau txais koj cov kev pab pib sai tshaj

plaws.

Tsuas yog ua raws li cov kauj ruam no:

Ib: Sau daim ntawv thov hauv online tau ntawm [pge.com/medicalbaseline](http://pge.com/medicalbaseline).

Ob: Koj yuav tau txais ib tsab email uas muaj koj tus zauv lees paub tseeb tshwj xeeb thiab cov lus qhia.

Muab cov ntawd nrog rau koj cov neeg xyuas mob pab tus kws kho mob thiab piav qhia rau lawv tias koj xav tau kev pab txog ntawm koj daim ntawv thov.

Peb: Koj tus kws kho mob yuav siv koj tus zauv tshwj xeeb no los ua kom tiav lawv feem.

Plaub: Thaum koj daim ntawv thov ua tiav lawm, koj yuav raug tso npe rau hauv qhov khoos kas pab. Qee qhov kev npaj them nqi hluav taws xob yuav raug cais tawm. Mus saib hauv online ntawm [pge.com/medicalbaseline](https://pge.com/medicalbaseline) kom paub ntau ntxiv.

Koj tuaj yeem mus xyuas [pge.com/medicalbaseline](https://pge.com/medicalbaseline) txhawm rau rub tawm thiab luam daim ntawv thov kom ua tiav thiab xa tuaj rau peb. Los sis hu rau 1-800-743-5000 thiab thov daim ntawv thov uas luam tawm ua niam ntawv loj los sis Ntawv Su rau Cov Neeg Tsis Pom Kev (Braille) uas tau muab xa tuaj rau koj. Tus neeg sawv cev pab cuam cov neeg siv hluav taws xob tuaj yeem pab koj txog cov lus nug uas koj muaj.

Peb nyob ntawm no txaus siab yuav pab koj. Ua tsaug rau kev kawm txog Medical Baseline Program.